

San Murezzan 2017: Intginas cifras

DA GION NUTEGN STGIER / ANR

■ **Gist 23 km saivs segireschan las pistas, en acziun èn 80 medis e samaritans ed en la tenda dals VIPs a Salastrais sa laschan mintga di 1500 persunas ir bagn. Interessant è er che la pendiculara Corviglia è stada l'emprima per skiunzs ed ella datescha dal 1928.** Per insumma manar tras ina uschè gronda occurrenza dovri er bier material e quai en tuttas furmas. Las diminesiuns èn fitg grondas e davos las culissas lavuran er bieras persunas. In sguard davos la festa da skis tradescha er bieras cifras ed intginas da quellas preschentan nus gugent en questa contribuziun. Er avain nus varsaquantas indicaziuns tar San Murezzan, il lieu che segna per l'organiziun dals Campiunadis mundials da skis.

■ **En media ina temperatura da 2,9 grads Aveva San Murezzan il 1990 radund 6000 abitants èn quai anc oz 5200 abitants.** En l'Engiadin'Ota vivan 18000 persunas e tranter Nadal e Bumaun èn quai vers 100000 persunas. La pli pi-

da glisch entras current ha quel bajetg gi da Nadal il 1878. Il 1929 è vegnida surdada al menaschi la pendiculara Corviglia ed in onn pli tard è vegnida fundada la scola da skis a San Murezzan.

5000 plazs sin la tribuna

Lieu dal grond spitachel è Salastrais sur la vischnanca da San Murezzan. En quella planira è er l'arrivada da las cursas. La tribuna, quella porscha post a 5000 persunas. Cun auters pleds vul quai dir che bunamain l'entira vischnanca da San Murezzan avess plaz sin quella. Fin a la fin dals Campiunadis mundials da skis quintan ils organisaturs cun radund 140000 aspectaturs. 11 cursas cumpiglia il program e per far la punt tar la medema occurrenza dal 1934 han gi lieu da lez temp be sis occurrenz.

800 persunas per la segirezza

Dasper ils 200 policists guardan er anc 800 ulteriuras persunas, cunzunt en il territori da las cursas, per la segirtad. Durant las duas emnas èn occupads 89 medis e samaritans. Dals 1300 voluntaris derivan 71% da la Svizra ed 11% schi-



La pendiculara Corviglia ha gia 89 onns.



Saivs cun ina lunghezza da 23 km segireschan las pistas.

FOTOS G. N. STGIER

tschna vischnanca è cun 232 abitants Madulain. En media è la temperatura annuala a San Murezzan tar 2,9 grads. La temperatura la pli bassa ch'è stada a San Murezzan giascha tar minus 35,1 grads. Tiers las temperaturas pli bassas ha il lieu turistic da renum mundial tuttina en in onn 300 dis da sulegl. L'emprim hotel che San Murezzan ha gi è il Kulm e construi è quel vegni il 1856. L'emprima gia-

zunt da l'Engiadina. Preschents a San Murezzan èn 15 staziuns da televisiun e lura er anc 800 schurnalists da radio e televisiun. Emessas en la televisiun vegnan las cursas dentant da 30 televisiuns. A l'arrivada è vegnida montada ina gronda televisiun (Big Scen) cun ina grondezza da 160 meters quadrat. Ella ha in pais da tschintg tonnas, vul dir prest il pais dad in elefant.

Vendi passa 1000 bigliets al di per cursas mundialas

■ (rt) La vendita da bigliets per ils Campiunadis mundials da skis 2017 a San Murezzan è s'intensivada l'emna passada massivamain. Quai tenor infurmaziuns dad *Ariane Ehrat*, la manadra da la destinaziun turistica Engiadina San Murezzan. Surtut la naiv ch'è crudada gist anc il dretg mument ed ils success da numerus skiunzs hajan evidentamain dà l'impuls a blera glieud da cumprar anc in bigliet per ina u l'otra cursa a San Murezzan. Entant saja vendida ina gronda part da las plazzas per las cursas da las dif-

ferentas disciplinas. Grazia al stimpel da l'emna passada hajan els uss vendi 70% dals bigliets. Grondas speranzas han ils organisaturs uss a regard l'emprima cursa dals Campiunadis mundials da skis a San Murezzan dad oz. Cun la bell'aura ch'è annunziata e speranza er cun resultats optimals dals atlets svizzers possian ins segir anc intimar blers da cumprar in bigliet. Quel possian ins gia avair a partir da 40 francs. Cumpri en il ticket è er il viadi a Salastrais, ha suttastritg Ariane Ehrat.



Roman Rüegg, il responsabel per las medias da la polizia chantunala durant ils Campiunadis mundials da skis a San Murezzan.

FOTOS G. N. STGIER

In concept da traffic che funcziuna

La segirtad tar ils Campiunadis mundials da skis

DA GION NUTEGN STGIER / ANR

■ **L'incumbensa principala da la polizia chantunala durant l'occurrenza internaziunala a San Murezzan è da controlar e reglar il traffic en il lieu e sin las vias da la l'Engiadin'Ota. A Salastrais a l'arrivada è bain er preschenta la polizia, dentant cun in pensum pli modest.** Ina occurrenza sco ils Campiunadis mundials da skis, sco da preschent a San Murezzan, è betg mo ina gronda sfida per ils organisaturs locals, mabain er per la polizia chantunala. Ella segna cunzunt per la segirtad da traffic, dentant pli pauc per la segirezza en vischnanca. La controlla superiura da l'entira organiziun dal traffic giascha tar *Walter Schlegel*, il cumandant da la polizia chantunala. Mainaaczun al lieu è *Robert Willi*, il vicecumandant da la polizia chantunala. Per las medias segna *Ramon Rüegg* ed ier avain nus gi chaschun d'entupar el a San Murezzan.

Buna collavuraziun cun la polizia locala

Roman Rüegg è gia dapi intgins onns tar la polizia chantunala e segna dasper *Anita Senti*, la schefa da medias, ed auters collavuraturs per la comunicaziun. El ha ina relaziun pli stretga cun la Val Alvra cun esser sia mamma ina Albertin da Mon. Sco che Rüegg ha ditg saja la polizia chantunala durant ils Campiunadis mundials da skis rinforzata entras intgins policists che derivan dad auters corps da polizia da la Svizra orientala. Ultra da quai collavura la polizia da noss chantun er ferm cun ils diesch policists dal post da polizia San Murezzan. Quels sajan plitost responsabels per il servetsch universal che haja er da funcziunar en il lieu.



L'incumbensa principala da la polizia chantunala è da reglar e controlar il traffic.

Betg da cumparegliar cun il Forum mundial d'economia

A la dumonda sche quella occurrenza da skis saja per la polizia ina sfida sco il Forum mundial a Tavau respunda Rüegg: «Na, quels dus events èn omadus da tut in auter gener e na sa laschan insumma betg cumparegliar in cun l'auter.» A Tavau saja la segirezza da bier pli gronda impurtanza er cun esser il privel bier pli grond (attatgas terroristicas etc.), cun esser ina occurrenza politica cun persunas da num e pum. Durant il Forum mundial d'economia hajan passa 100 persunas il dretg dad avair in schurmetg persunal, quai che saja durant ils Campiunadis mundials da skis actuals betg il cas. Rüegg ha ditg che a Salastrais haja la polizia chantunala bain er da vardar per urden, però be a l'ur da l'occurrenza. En quel territori hajan ils skiunzs e las skiunzas lur sfidas, dentant che la polizia haja quellas a San Murezzan e conturn. Nagin dastga avair l'impressiun dad esser controllà permanent ed en il center duain esser il sport

ed ils fans e na la polizia, punctuescha Rüegg. En acziun èn 200 policists.

Dapi in onn pli intensiv

En collavuraziun cun il comité d'organiziun saja la polizia chantunala ditg stada vidlonder cun il concept da traffic. Dapi in onn saja lura vegni lavurà pli intensiv e cunzunt er concretisà quel. La gronda part dals blers policists saja las duas proximas emnas cunzunt occupada cun la segirtad da traffic e quai a San Murezzan e lura er a Schlarigna ed a Champfèr nua ch'ils dus gronds parcadis sa chattan per tuts quels che vegnan a las occurrenz cun ils autos. Da reglar saja en spezial er il traffic da transit e gist tar quel è la controlla in pau pli seriusa, hajan quels automobilists senza ina lubientscha strusch la pussaivladad da vegnir fin a San Murezzan. Fin ussa sa tegnan tuts a las ordinaziuns da traffic, ha ditg Rüegg e sch'i vegnia fatg ina midada tar il concept da traffic saja quai plitost ina optimaziun.

■ FOTO DAL DI

En buna cumpagnia

(anr/gns) Als 1500 schurnalists che rapportan mintga di dals Campiunadis mundials da skis a San Murezzan stat er a disposiziun mintga di ina bella collecziun da gasettas. En egl croda er che tranter las passa 25 differents gasettas dal di sa chatta er La Quotidiana. Singular è lura che cunzunt ils schurnalists da l'exteriur sfeglian en quella, er senza strusch chapir in pled. Il center da medias dal grond event da skis sa chatta en l'hotel Reine Victoria. Senza ina accrediteziun e l'uschenumnà «badge» n'èsi betg pussaivel d'entrar en il center da medias. La controlla è da la damaun baud fin la saira tard.



Amez tut las gasettas nazionalas ed internaziunalas èn er intgins exemplars da La Quotidiana.

FOTO G. N. STGIER